

Ang ligtas at hassle-free na karanasan sa pagboto: Isang praktikal na gabay.

Para sa Nobyembre 2020 na Pampanguluhang Pangkalahatang Eleksyon, ang lahat ng mga botante ay papadalan ng isang balota. Makakatulong ito upang bawasan ang paglantad sa COVID-19 habang pinapayagan kayong gamitin ang inyong karapatan na bumoto. Upang protektahan ang kalusugan at kapakanan ng mga taga-San Diego, hinihikayat namin kayong botohan ang inyong balotang pangkoreo mula sa inyong tirahan nang ligtas at komportable.

Narito ang ilang mga estratehiya na makakatulong upang hindi lamang gawing mas ligtas ang karanasan sa pagboto, ngunit mas maginhawa habang papalapit ang flu season ng mayroong panganib na COVID-19 pa rin.

BERIPIKAHIN ANG INYONG REHISTRASYON NG BOTANTE

Kayo ba ay lumipat o nagpalit ng inyong pangalan? Kung bago kayo sa County ng San Diego o lumipat lamang sa ibang kalye, kailangan ninyong muling magparehistro para makaboto.

Siguraduhing ipapakoreo ng Tagapagrehistro ng mga Botante ang inyong balota sa tamang adres. Beripikahin ang inyong adres ng tirahan at, kung naiiba, inyong adres pangkoreo. Maaari ninyong beripikahin ang inyong impormasyon ng botante, magparehistro o muling magparehistro para makaboto online. [Kumilos na!](#)

BUMOTO NANG MAS LIGTAS SA TIRAHAN



Ang mga balotang pangkoreo ay sisimulang ipadala sa linggo ng Ika-5 ng Oktubre. Kung nagawa ninyong napapanahon ang inyong impormasyon ng botante, asahang matatanggap ninyo ang inyong balota sa parehong linggo.

Maaari ninyong i-track ang bawat hakbang ng inyong balota sa pamamagitan ng pag-sign up para sa **"Nasaan Ang Aking Balota?"** [Mag-sign up na.](#)

Ang pagboto sa koreo ay:

SIMPLE. Ang inyong balota kasama ang inyong "Bumoto Ako" na sticker ay dadating sa inyong mailbox halos isang buwan bago ang Araw ng Eleksyon.

SAFER. Pagdesisyunan ang iboboto at kumpletuhin ang inyong balota nang komportable sa tirahan.

SECURE. I-seal ang inyong nakumpletong balota sa inyong postage paid na sobre, pirmahan ito, petsahan ito, at ibalik ito kaagad sa pamamagitan ng koreo upang tiyak na matanggap ito bago ang Araw ng Eleksyon. Ang inyong pirma ay ini-rerequire para mabilang ang inyong balota!

Maaari ninyong ideposito rin ang inyong selyadong balota sa isa sa 124 na convenient na mga drop-off location sa buong county. O, i-drop off ito sa opisina ng Tagapagrehistro o saanmang lugar ng botohan.

Tip: Ang mga botante ng balotang pangkoreo na nagdesisyong bumoto sa kanilang lugar ng botohan ay dapat DALHIN ang kanilang Balotang Pangkoreo para I-SURRENDER, pagkatapos isang bagong balota ang mai-isyu.

MAGKAKARON BA NG MGA LUGAR NG BOTOHAN?

Oo. Sa katotohan, ang mga lugar ng botohan sa buong county ay magbubukas ng apat na araw, Ika-31 ng Oktubre hanggang Ika-3 ng Nobyembre. Maging handa. Magkakaroon ng mas kaunting mga lokasyon kaysa noong mga nakaraang eleksyon, kung gayon ang inyong lugar ng botohan ay malamang nagbago. Siguraduhing pumunta sa inyong itinalagang lokasyon ng botohan. Bisitahin ang sdvote.com o tingnan ang likod na takip ng inyong pamplet ng sampol na balota at impormasyon para sa botante upang hanapin ang inyong itinalagang botohan.

Kung napagdesisyunan ninyo na bumoto nang in-person, huwag magulat, ang mga linya ay maaaring maging mahaba! Paghandaan Ang Pagboto. Markahan ang inyong mga seleksyon sa inyong sampol na balota nang maaga para kapag pumasok na kayo sa voting booth, mabilis ninyong mapupunan ang opisyal na balota.

Hinihikayat namin ang mga nakatatanda at mga taong mayroong mga underlying medical condition na iwasan ang mahahabang linya at puno-punong mga lugar ng botohan sa pamamagitan ng pagkilos nang maaga.

Kung kailangan ninyong bumoto nang in-person, dapat ninyong samantalahin ang maagang pagboto:

- Sa [opisina ng Tagapagrehistro](#) simula Ika-5 ng Oktubre, ika-8 ng umaga hanggang ika-5 ng hapon. Lunes hanggang Biyernes.
- Sa inyong itinalagang lugar ng botohan o opisina ng Tagapagrehistro sa Sabado, Ika-31 ng Oktubre hanggang Lunes, Ika-2 ng Nobyembre, ika-8 ng umaga hanggang ika-5 ng hapon.
- Ang lahat ay muling magbubukas sa Araw ng Eleksyon, kung kailan ang mga oras ng pagboto ay magiging mula ika-7 ng umaga hanggang ika-8 ng gabi ngunit hinihikayat namin kayong huwag maghintay. Iwasan ang mga antala sa pamamagitan ng pagboto nang maaga!



Dalhin ang inyong mask. Ang Tagapagrehistro ng mga Botante ay sumusunod sa mga public health order ng County at magkakaloob ng mga makatwirang accommodation kung kailangan upang siguruhing ang kalusugan at kaligtasan ng lahat ng mga election worker, botante, at observer sa aming opisina at mga lugar ng botohan.

BOTO MO. PINILI MO. KALUSUGAN MO.

Ang paghihintay hanggang sa Araw ng Eleksyon ay maaaring maging napakahirap na mapagdesisyunan sa huling oras. O sa isang kaunting preparasyon, maaari kayong bumoto nang maaga, at ang karanasan ay hindi lamang magiging mas ligtas ngunit mas maginhawa at mas madali para sa lahat. Sa alinmang paraan, sisiguruhin namin na ang bawat karapat-dapat na boto ay mabibilang.



★ ★ ★ ★ ★ BUMOTO NANG MAS LIGHTAS 2020 ★ ★ ★ ★ ★